

Medirn.

Lert wie du eyne zal halb machen solt/ thu yhm also/
schreib die selbig fur dich/ mach eyne linien dar vnter/
heb an zu hinderst/ das ist an der eusserstē figur gen der
lincken hand/ Ist die selbig figur gerad so setz den halbē
teil vnden/ Ist sie aber vngerad/ als. 9. so sprich halb. 8.
macht. 4. die setz/ das vberig als. 1. Medir mit der nehie
sten figur gen der rechten hand/ wirdt fur zehen gerech
net/ komet aber. 1. ynn der mit zu medirn/ so schreib eyn
o. gleich darunter/ vnd medir als dann/ mit der nehiste/
Als folgende exempel außweisen.

8 6 4 2	7 8 9 7 6	6 8 1 7 4
4 3 2 1	3 9 4 8 8	3 4 0 8 7

proba.

Durch die erst prob duplir die ander zal/ so komet die
ober wider/ Aber mit der andern als. 9. nym die prob
vō der vndern/ duplir die/ wirff hynweg. 9. so du magst/
komet dann von der obern such souil/ sam vber bleybe
so hast yhm recht gethan.

Multiplicirn.

Lernt viel machen/ must auch forn anheben / vnd für
allen dingen das eyn mal eyns auswendig lernen / wie
furhyn angezeygt. Woder machs nach folgenden zwey
en Regeln.

Die Erste.

Nodir zusammen die zwo figur n / die kleynst schreib/ Als
dann Multiplicir mit eynander / weuil von yder bis
auff. 10. gebricht/ vñ schreib das selbige fur die gesatzte fi
gur komet aber auß dem Multiplicirn ein zal mit zwey
en figur n